

Նաթալինն ձեռքերիս մէջ դրել է իր թրթրուացող սիրտը, երկար սեղմում է:

Գպրոցի մի աշակերտուհի ծաղիկներ է բերել եւ բաց նամակների վրայ նկարուած աղջիկների պէս «յոյս եւ սէր» է մատուցում: Մի բարեկամ իր թեւերի աքցանը սեղմել է վրաս եւ յուզումից խօսքերը կորցրել է: Նապոլիտանցի կոկորդները նաւի վրայ մարդարիտ են շարում: Տաճիկների դէմքերը լրբացել են: Կայմի վրայից դբօշակը նետում են վար: Մեքենավար բանուորները ածուխ եւ քրտինք են թափում:

Նաւը նորից սուչում է եւ ցնցւում:

Նաւակները մթեղների նման խայտում են ջուրը:

Քարապիւր պոռում է նաւին, նաւը պոռում է քարափին: Ոչ ոք չի հասկանում:

Բախում: Առաջակայմը դողում է: Հաւատաքենական մեքենաների տակ չուանները լարւում են եւ հեծում: Ազմկալից պտտակը ծեծում է ջուրը եւ ճառագայթների փրփուրներ դիզում:

Վերջին բարեւներ: Արցունքներ:

Թաշկինակները հեռանում են: Գալաթայի աշտարակը վերադառնում է տուն:

Սկիւտարը, դլուխը ծռել, Մբմբեանի հետ խօսում է:

Վոսպոբի սպիերից սատափ ու զմբուխ է իջնում:

Յետոյ ամէն ինչ ճեղքւում է եւ լայնանում:

Ծով:

* * *

Տեղաւորումի առաջին վայրկեաններ: Չսպել երեխաներին: Ծածկել հոգսերը: Աղքատ ճամբորդի անյարմարութիւններին՝ տարերային դէպքերի ճակատագրական լոյս սրսկել:

Մեր երկիրը աղքատ է, մենք էլ աղքատ ենք: Դէ, ի՞նչ արած... Երեւանի բաղերում լեցուն պտուղներ կան... Այո՛, ձի էլ պիտի ունենանք, կով էլ, ոչխար էլ...

Հայաստանը՝ «երկիր դրախտալայր»:

Երեխաները ենթարկուած են դարաւոր բոմանթիզմին՝ ոտք դնում անիծեալ ճանապարհի վրայ, հաշիշների մէջ կորչում:

Իսկ ես՝ վախում եմ մտածել:

Մինակ էլ չենք: Շատերն են գնում: Պատահական անկողիններ են սարքել եւ իրենց մտահոգ գլուխները վար դրել: Նախ՝ ժպտում են, բայց վերջը ժպիտը կրնճիոնների տակ է կորչում. իրր թէ հով է: Յած ձայնով են խօսում: Իրենց չուրջն են նայում:

Չեմ հասկանում:

Եթէ ծնած լինէի ուրիշ պայմաններում՝ նաւորդ կը լինէի:

Ամէն մարդ փնտռում է արտաքին առարկաների մէջ իր ներքին տեսիլքների համարժէքը:

Նաւը ապրում է ինձ հետ մարմնապէս: Ես նրան զգում եմ բնականօրէն. ինձ հարազատ եւ մտերիմ: Գիտակցում եմ նրա էութեան առանց որեւէ ճիշդի. ինչպէս բնութեան ակներեւ մի երեւոյթ, հիմնաւորուած մի իդէականութիւն՝ կայուն եւ կենսարար:

Ոմանց համար նաւը արկածախնդրութիւն է, Բէմբօի «գլինովցած նաւը», ողբերգական, ճակատագրական փոթորիկումների խոր ակօսում եւ անյայտ: Ոմանց համար էլ նաւը մըշտնջենական մեկնում է դէպի անծանօթը, վախ է եւ տրտմութիւն: Հաստատուն ամբերից հեռացող առեղծուած: Ալիքների մէջ ծեփուած տեսիլք, դրեթէ անմարմին մի երեւոյթ:

Ինձ համար իրականութիւն է: Ճարտարապետական ձեւի տրամարանական արտայայտութիւն՝ կեանք:

Կեանք: Գեղեցիկ կեանք: Կայմից մինչեւ խարխալ, բնական եւ անհրաժեշտ: Յաւիտենականութիւն: Կայունը անկայունի դէմ: Հաստատուն կամքը մխրճուած տարերայինի սրտին: Եսը ալեկոծումի մէջ:

Անկարելի է երեւակայել արդիական ամբողջ կուլտուրան առանց նաւի:

Կուլտուրան, մշակոյթը, այսինքն՝ հոգեկան աւանդութիւնների հսկայ ժամագրութիւնը եւ ոչ քաղաքակրթութիւնը՝ մեքենայեկան, նիւթական յարմարութիւնների այդպէս անուանուած առաջադիմութիւնը:

Կուլտուրան նաւ է, քաղաքակրթութիւնը վախ է ալեկոծուած ծովից:

Կան երկիրներ, որոնք աւելի անկայուն են քան նաւը, աւելի շարժուն եւ հոսողութեան ենթարկուող: Կան զիմագուրկ երկիրներ, որոնք բխած են ալիքներից, մինչ նաւը կզղի